

AQUELARRE

MULHER: unha moeda de dúas caras.
a boa e a mala.
Nós somos meigas, nós somos malas
deixamos as vasoiras na casa
imos devolver ao lume aquilo
polo que tempo atrás
fomos queimadas.

MULHERES:

Meigas, bruxas, fadas,
nais, fillas, irmás, amigas
esposas, compañoeras,
putas, monxas, herexes,
beatas:
Sublimadas, maltratadas,
Demonizadas
no fogar e na vida diaria
Amadas e temidas,
desexadas e rexeitadas,
necessitadas e exterminadas.

Todos os papeis no seu teatro da vida
e ningún óscar na gala dos premios

Voltamos aos conxuros!!
Tremede humana xente!!
Chegou a nosa hora!
Por un mundo diferente!

TODAS:

Que non quede nada!
Lume! Lume! Lume!
Imos queimar o ceo e a terra!
imos queimar o que nos levou á fogueira!
imos queimar aquilo que nos queima!

FEMINISTA

MULHERES TRANSGREDINDO

Ao lume a igrexa e o papa
que a enxendrou,
papas, papás, pepes e pepé
Buda, Alá, Deus e Yavhé.
á fogueira con vós por
negarnos a nós!

TODAS:

Non só vos imos pintar
Tamén vos imos borrar!
LUME, LUME, LUME!

Ao lume a familia,
parir, cuidar, alimentar...
Até que non se comparta
Mulheres en folga xeral!

TODAS:

Nós parimos, nós decidimos!!
LUME LUME LUME!

Ao lume o matrimonio,
Que nos ata coa heranza
A pata de calquera cama

TODAS:

Non queremos cordas,
Que para nós todas son sogas!
LUME LUME LUME!

Ao lume a monarquía, o rei e a raíña
Se é por designio divino,
isto non ten tino!
Se é designio patriarcal

TODAS:

Co patriarcado imos acabar!
LUME LUME LUME

Ao lume o fútbol, esa outra
relixión!
Que coas bolas, as pelotas e
os collóns
Xa nos fixeron unha
selección!
E un xogo, meus meniños,
Non o principio de ningún
camiño!

TODAS:

LUME, LUME, LUME!

Ao lume El Correo gallego
Porque conta o conto
Como lle vai ao fascio e ao
clero!

TODAS:

LUME, LUME, LUME!

Ao lume o conto milenario do
príncipe azul
Rosa en man no seu branco
corcel!
Que saia dunha vez do
armario
Non queremos saber nada del!

TODAS:

E nós, despois de

queimalo

Quedámonos do conto

coa rosa e o cabalo!!!

LUME, LUME, LUME!

Ao lume tamén a moda
Que pretende facer de nós
Bonecas de silicona!

TODAS:

As bonecas de famosa

Bulen, bulen, á

fogueira

porque xa estamos

fartas

desta estética

dermopatética

LUME, LUME, LUME!

Ao lume tamén o pai capital
Porque non é casual que o
diñeiro
Sempre estea nas súas mans!

TODAS:

LUME, LUME, LUME!

Ao lume o tío gilito, o
dolar e o tío Sam
Porque en Estados Unidos
Comeza o eixo do mal!

TODAS:

LUME, LUME, LUME!

Ao lume os militares
Do cabo ao xeneral
Que matan e violan
Defendendo o capital!

TODAS:

LUME, LUME, LUME!

Ao lume a escola por nos
ensinar
Unha historia patriarcal
Para así xustificar
A súa "orde" mundial!

TODAS:

Nós estamos a loitar

para esta historia

cambiar!

TODAS:

LUME! LUME! LUME!

Imos queimar o ceo e a

terra!

Imos queimar o que nos

levou a fogueira!

Imos queimar aquilo

que nos queima!

LUME, LUME, LUME!